

Roslinda Binti Abdul Razak

From: Unit Komunikasi Korporat
Sent: Monday, March 20, 2017 12:14 PM
To: UUM - All Staff; UUM - All Students
Subject: UUM Terima Perakuan Status Swaakreditasi MQA



Unit Komunikasi Korporat
CORPORATE COMMUNICATION UNIT
Universiti Utara Malaysia



20 MAC 2017 / 21 JAMADILAKHIR 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media
Gambar oleh: Muhammad Shamsul Shafie

UUM TERIMA PERAKUAN STATUS SWAAKREDITASI MQA



UUM ONLINE: Putrajaya - Kejayaan Universiti Utara Malaysia (UUM) menerima Perakuan Status Swaakreditasi daripada Agensi kelayakan Malaysia (MQA) terus menjadi pemangkin kepada universiti untuk menyumbang kepada peningkatan kualiti pendidikan negara dan merealisasikan misi menjadi Universiti Pengurusan Terkemuka.

UUM yang diwakili Naib Canselor, Prof Dato' Seri Dr Mohamed Mustafa Ishak telah menerima sijil perakuan tersebut yang disampaikan Menteri Pendidikan Tinggi, YB Dato' Seri Idris Jusoh pada Majlis Penganugerahan Status Swaakreditasi MQA di Dewan Za'ba, Kementerian Pendidikan Tinggi, pagi tadi.

Perakuan status Swaakreditasi itu melayakkan universiti mengakreditasi sendiri program pengajian tanpa perlu mendapatkan kelulusan MQA dan KPT (hanya perlu dimaklumkan sahaja).

UUM menerima perakuan tersebut selepas menjalani audit Swaakreditasi pada November 2015 dan pencapaian itu memberi kelebihan kepada UUM dalam meningkatkan kualiti dan memantapkan program akademik dan penyelidikan dalam mempromosikan UUM sebagai universiti pengurusan terkemuka di mata dunia.

Pada majlis itu, tujuh lagi Universiti Awam dan Swasta turut menerima sijil perakuan tersebut iaitu Universiti Islam Antarabangsa Malaysia (UIAM), Universiti Teknologi Mara (UiTM), International Medical University (IMU), Universiti Teknologi Petronas (UTP), Universiti Tenaga Nasional (UNITEN), Universiti Multimedia (MMU) dan Universiti Tunku Abdul Rahman (UTAR).

Selain itu, lapan (8) universiti sedia ada yang masih mengekalkan status Swaakreditasi ini adalah Universiti Malaya, Universiti Kebangsaan Malaysia, Universiti Sains Malaysia, Universiti Putra Malaysia, The University of Nottingham, Monash University, Curtin University dan Swinburne University of Technology.

YB Menteri Pendidikan Tinggi merakamkan ucapan tahniah di atas kejayaan universiti baharu yang berjaya mendapat status Swaakreditasi itu termasuk universiti yang berjaya mengekalkan status Swaakreditasi dan berharap perakuan status tersebut dapat menjadi pemangkin kepada universiti untuk terus meningkatkan kualiti pendidikan tinggi negara.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising

from or in connection with computer viruses and/or corrupted e-mails is excluded to the fullest extent permitted by law.